

雲阜山申仙翁傳

虞七

仙翁申姓名泰芝字廣樾家世洛陽人諸係出于周時申伯之裔故詩有云維嶽降神生甫及申是也申伯之德柔惠且直蕃宣四海有其功德朝廷宣王以路車乘馬賜南土而居之而子孫繼承不絕迄至于漢傑出申仙祖翁年高八十餘歲武帝有聞遣安車駟馬迎之封太中大夫殿後嗣孫富長沙督仕宦宰相之榮及其散徙四方者不可勝紀惟先祖之宗流派於邵州邵陵縣今之寶慶府邵陽縣仁風鄉柳塘村卜居高大門閭父母以敬愛慈忍孝善於恒心一夕母楊氏夫人夢一神人自空而下持紫芝一莖揉碎為丸與楊氏掬水吞之覺而喜懼不已及至旦明以夢告於族屬有曰紫芝非凡矣必有祥瑞因而有妊時於唐則天順聖皇后垂拱三年歲次丁亥八月初五日辰時誕生是時神光燦爛瑞氣衝盈遠近歡呼莫不嗟訝何喜如之仙翁既長器識不凡敏而好學六經通曉善屬文深戒色慾斷葷腥其柰家不甚厚每見

困窮隨力贈給人有犯而不校觀其玄教經科一覽備悉及父喪遇神人指以地葬於紅衙山為之宅兆盡其孝道罔有虧也未幾無心於世好其夔處跡於親友之交慕神仙之事一日澄神浣思訪遊南嶽朱陵洞天踐履巉巖之際陟彼祝融峯上木陰之下坐其巖石之上歎曰此中甚有佳致可惜无緣居此俄有一老叟黃冠野服髭鬚皓然散誕徜徉來于憩所仙翁起而揖之叟乃問曰子何人也在此歎息仙翁答曰吾乃邵陵人也暫遊勝樂愛此清閑自恨緣薄不獲久駐所以歎息叟復有云名山靈跡在在有何道在近而求諸遠邪子所居之地幸有雲山之北余胡之巔蓮荷之托亦有小小超絕去處可以鍊行修身但患子之無心耳仙翁曰願求指教叟曰吾乃九天真人今授子之要法乃探囊取書一帙曰此即金丹火龍大成之旨為超凡人聖之機審而行之方得成道道成之日吾當邂逅于大羅之境未晚也切宜精修幸勿輕泄懈怠於是仙翁俯伏拜受欽慕

不已俄頃之間風飛雲起叟已在半天矣仙翁再拜違南山徑歸故里自是笑談應對動息之間與平常不同也半年之久又告族屬我今不欲處於塵俗擬求隱地修養身心敢以暫別左右諸人允諾於是就蓮荷山蓋覆庵寮立丹竈採藥物按法修鍊今蓮荷山有丹竈丹池尚存丹成之後告之眾曰我丹藥雖成善行未備不敢輕服佩而行之當為助國立功濟民累行他時入侍三境誠無愧矣仙翁自此轉覺神清氣爽洞達幽實曰賜而賜曰雨而雨隱顯變化坐觀世事如指諸掌執不仰羨至明皇開元二十六年戊寅之歲八月十六朝罷帝謂群臣曰朕自昨宵夢一神人告朕云湖南雲山之北邵陵之地有申姓道人號曰白雲居士以鍊丹成而悟道若禮之可為國師必能與國家修禳而獲福壽群臣喜而稱賀于帝此猶高宗夢傳說而無異也即勅翰林草詔遣使奉詔往邵陵尋訪而宣詔之詔到郡守委管同奉使於余胡蓮荷修鍊之所果有申姓道人

稱白雲居士時已道德清高欣然從詔不逞  
上命即同詔使前赴長安帝都到日承宣入  
殿與帝談論聞一知十帝稱爲仙翁賜號大  
國師勅旨住持元真觀事賜千斤金鍾百鍊  
寶劍與國焚修祝願許其出入禁廷主領玄  
教次年八月中秋夜帝謂仙翁曰月中可以  
到否仙翁答曰可也遂同葉靜天師與帝擁  
從乘雲至于月殿之下見榜曰廣寒清虛之  
府過一大門在玉光中乃飛浮宮殿常有寒  
氣逼人濕濡襟袖見其門兵嚴衛止於門下  
少焉仙翁引進明皇得見仙衆及素娥十餘  
人衣皓衣乘白鸞笑舞於大桂樹下樂音響  
亮明皇素解音律條覽而意已得傳倉忙抄  
寫曲譜即今之工六工尺工尺四上上尺上  
尺工六吾六工六吾六尺工尺上尺上四合

紙蕭僞座而試之仙翁端坐而席不傾上歎  
曰異哉真神仙中人也時仙翁乃留餘齋在  
几帝問曰留齋何如答曰歸以遺母帝曰路  
程甚遠何時可到答曰今晚可到帝亦未信  
遂附齋與邵陵郡守到郡齋高濕芬郡守隨  
即具表謝帝者詳日時果賜齋之日同也於  
是帝與臣僚無不欽信惟帝愛慕貴妃之情  
甚厚仙翁累入內庭與帝講解因進諫曰宜  
戒色慾爲患防其奸臣敢主竊弄大權小人  
在位則君子在野然帝不見用亦不甚謹一  
夕京城元真觀金鍾不扣自鳴有司奏聞帝  
召仙翁曰西嶽神人報云國家不寧禍亂將  
至雖曰有數亦可修禳明年果見南蠻蒙毒  
南方仙翁已知有安祿山之變將漸萌矣仙  
翁乃上表辭帝乞歸故里爲國按法禳之素  
歸心甚切帝亦從請乃勅宮中陳氏製法衣  
一襲以贈行色時陳氏係掌侍茶湯之職供  
侍仙翁甚久未嘗憚勞仙翁謂陳氏曰日夕  
有勞心勤無以爲謝有藥一丸名絳雪丹贈  
汝俟命終之日方服此丹至時可告于帝聽

若氣絕之後以身入棺但蓋半掩塚門勿塞  
可高大其墓墳令汝冤鬼出入自若不受輪  
迴厄難百年之時汝身不壞遇生人之炁令  
汝死而復生即還人道得爲地仙矣陳氏受  
丹稱謝仙翁曰妾若他日命終得免輪迴之  
苦敢忘所自耳其後陳氏病危之時以前事  
告帝皆從所請安葬陳氏棺柩出禁城三里  
之外題其墓曰蘭昌宮後天寶七年二月二  
日帝勅中書門下省遣中官二員崔暹李中  
貴等護送仙翁還於邵陵是時貴妃亦製紫  
服一領以金珠裝飾而贈之御筆親書勅賜  
宜唐觀額與仙翁還山主持香火福國利民  
回那奉見太守具述聖意遂歸故里柳塘即  
今祖墓觀是也仙翁謂中官曰山門寂寥珠  
之奉待有丹藥二丸贈送回京見其六親方  
可吞服以釋塵勞之難來使受丹叔謝告別  
往見太守請給回文取路從那河塘口渡買  
舟過洞庭遙遷可回京國初起程至大禹廟  
前二使相與語曰仙翁贈丹必有神驗何必  
到家方服遂取水吞之良久覺身輕心燥熱

00 47 20

即解衣浴於廟下淺流之中自然身輕欲羽勢可騰空乃與從者曰一切累囊盡付汝輩急還歸京以此事的報家人各宜知悉二使遂隱入彼處山林中有人或見其出入罔知所在邦人立廟奉祀今之邵江漁父王是也或云二人服丹後浴於水中其江內之魚自此之後漁獵之人皆不能獲其魚因此號為漁父大王與禹王為友後總稱漁父三位靈官見於余胡山下地名雲霖建觀宇以前勅額為用於是闡揚教法與國祝壽降祥帝勅本州支給錢糧供其膳衆彼時仙翁於邵河箕子潭水面建壇作法拜章斷隔南嶺今潭面上有拜章簾紋水長水落其紋如故其後明皇帝蜀太子即位靈武中興大唐此必拜章修穰之驗也仙翁由是書符呪水行藥治病時復奏事於長安帝庭或赴洛陽齋會朝遊暮返策空駕浮而邵陵城東河畔有小石室仙翁往來其中隱適頃刻又在洛陽吳風俗通知靈異至今號曰洛陽潭顯赫可據至天寶十四年歲在乙未八月十三日由揚

二姓集社會於宜唐觀側仙翁亦承其請中途遇神人與桃三五顆因持桃顆見示杜人舉皆嗟嘆獻之長宿不受遂割而食之須臾之間彷彿聞太空步虛之聲忽爾余胡峯頂祥雲下覆仙樂響亮鸞鶴飛騰旌幢雜遝內朱衣二人珠翠擁從隱隱下至觀所仙翁遂辭杜衆迎禮仙軀中有長幡一首丈餘上赤書玉字題曰邵州道士申泰芝丹成九轉行滿三千今當白日上昇仰視彩雲四布絳節滿前仙翁騰之道衆曰吾今脫離塵世昇陟清都與天地相為長久今後凡民有請吾當感而遂通此後必遇劫火患難但陰相扶持各宜保重所有宜唐觀永遠為祝聖人壽遇三元八節五臘十直之辰勿虧醮奉福國及民言訖騰空而去時仙翁年已六十九矣今余胡山有石柱上橫平石一片世傳此為仙翁上馬臺道士比時結狀申州太守具表聞奏朝廷其年八月十三日明皇登殿之際遙見虛空有仙仗駕鶴形儀持幢執節衛列左右帝與朝臣庶士咸皆瞻視一日邵州太守

表到丞相陳希烈李林甫未達御上覽所奏事因帝登殿遙見太空現神仙之儀相符而合即勅下邵州守令四時宜加祭謁毋輒怠慢本觀去州百餘里守令往來禮謁不便復為聞奏次勅守令於近城窅立闕元觀於邵河之址繪塑仙像崇奉以便祭祀續降勅旨凡申氏之族五服之內並勅免租稅仙翁上昇之日永州祁陽縣士庶人等見一仙人乘白鶴浮空而來乘下仙衣一領於道觀之所收之安奉因易其觀名曰白鶴觀亦為闕奏看詳皆別無神仙事故惟邵州申泰芝白日跨鶴飛昇天也其觀每過法會請眾捧水遠壇行遺歷世傳聞不泯仙翁之丹世無仙分不可親觀至于雲山勝槩猶存仙翁昔日棲真之所巖穴深邃峭壁巉巖不可得進併存仙跡於峯巔絕頂攀緣而上可得見之山間靈杉翁鬱歷年多矣靈巖聖水請禱輒應今山門香火官民士庶崇奉擇旱澤物利民影響報應白雲長鎖於巖前洪福永扶於國梓普天稱慶易地騰敷謹留行狀以廣聞豈

小補云爾

證驗事實

唐憲宗元和間薛昭為禁城捕尉出理民訟枉法受賂被其糾彈是唐法嚴明捕尉犯之亦須無辜昭懼受辱遂潛逃出於禁城之外天色將暮迷失路徑彷徨四顧忽遇一老叟昭揖之下情無任以求指迷叟問曰汝何姓氏在此答曰姓薛名昭居官不清被其糾彈恐懼罪責所以逃此而迷失道路昭復問叟何氏答曰我是田山叟久居山林知人休咎既求指迷吾當以實告汝可免憂難此去不遠有茂林脩竹汝暫住此間見蘭昌宮者便宜隱此即可免難昭謝曰若得免罪亦不忘也當報大德叟曰守官不潔何望有德報德昭遂揖別老叟前去見竹林間果有小亭名蘭昌宮維時日將頹昭心快然喜懼交作遂栖其亭將至二更時月華皎潔忽見一女子容貌妖婉迤邐近前昭心大驚疑其是鬼昭問曰汝是鬼耶人耶何由至此女子答曰妾非鬼也乃明皇宮中掌茶湯之女陳氏時有

湖南邵陵申道人在朝明皇以仙翁稱之詔入禁城演談妙道妾侍茶湯無不盡誠仙翁與妾言曰久勞供侍無以為謝出藥一丸名絳雲丹視妾候命終之時方可吞服百年後遇生人復還人道當得為地仙女子復問曰汝何姓氏緣何至此昭答曰姓薛名昭為禁城捕尉枉法罹誅來竄於此適遇一老叟稱曰田山叟指我來此可以逃難陳氏扣掌大笑曰田山叟即申仙翁也知妾居此百年矣今日果應首許之事豈偶然哉昭猛省吾為書生時嘗觀唐傳有載亦非偶爾而遇二人歎息良久陳氏乃以雲情兩態告昭昭不免伸繾綣之難陳氏曰汝可隨我往此咫尺之間有塚門大開其中廣闊朱棺尚存而其蓋參差中乃妾之身也陳氏令昭舉其棺蓋果見一女子面目皎然溫暖而起衣服瓌爛惟存首飾金鑿至天色漸明陳氏令昭將金鑿驚之于市製換衣裳與陳氏裝飾未幾俱入霸陵山而隱得為地行仙矣白日飛昇知神質久種於芝草未憶接引諒仙緣適滿於水

批異哉夢感於明皇尋膺丹詔盛矣聲聞於太上續奉  
玉音矧嘗躡鳳乘龍可以騁鸞跨鶴頓離凡境敬造玄都握造化之樞機司雷霆之號令早禱輒應民難必扶跡著三山已見道非常道丹成九轉檢知名匪常名抑由行滿三千始可鵬搏九萬昭如日月噴若冰霜息漸寰宇以無疆福被生民而甚大仁博而愛惠我无私妙合而凝寂然不動靈則不知而不識修而可治而可平鑽之彌堅仰之彌高神麻莫測瞻之在前忽然在後道化難量功優於天上人間德顯於今來古往洋洋在上濯濯厥靈前宋加封徽號三承於夏美大元崇祀聖恩累降以增輝道系常存冥會山高而水遠仙風永扇信同地久以天長切觀事紀之詳大莫能載小莫能破次察其人之妙鬼可使這凡可使仙歎莫難盡讚揚不可思議  
宋高宗皇帝加封詰命  
勅衡州衡陽縣雲阜山仁惠廟白雲大仙昔楚人祀雲中君而舍之於壽宮龍駕帝服見

乎歌詠今衡陽之阜有能以雲氣致嘉雨驅  
早癘載在彛典稱爲列仙邦人德之揭虔于  
廟嗚呼豈昔之所謂靈皇皇而颺遠舉者聊  
褒厥異功錫之仲號益享善應以澤斯民可  
特封妙寂真人奉勅如右牒到奉行

紹興二十七年正月二十六日

雲阜山申仙翁傳

二傳同卷

南嶽九真人傳

南嶽小錄

虞八

南嶽九真人傳

奉議郎致仕新都尉賜緡魚袋廖應先撰

南嶽真人名之著者有九其升舉時代即晉  
宋齊梁間今像設依然孰測真人間會朱陵  
洞天朝奉注生真君有所贊輔與民人轉禍  
爲福也自本朝樞密使孫沔治事長沙日嘗  
夢衣道士服者詣前曰老叟姓王羽儕九人  
有田產爲別觀占佃百餘年在公部下幸一  
存意第第默誌于心未能詳也及奉命祠嶽  
偶遊九仙石壇觀其老屋塑像位於中者榜  
曰王靈真真人與向之夢中告語者道貌略  
同乃追憶前事故委縣官推究逾年果得若  
干土田屬鄰觀歲收地利因而申明勸還舊  
管自非靈顯感通何緣發於汚夢寐而有所  
伸矣諒茲時少謬湘楚間涉於欺隱者往往

悔責析於自新自是四方至朱陵者惟恐謁  
欸群真乞靈後時也去年冬道士歐陽道隆  
欸屏來見謂余曰道隆私門數世喜藏仙書  
及道隆曉人事時散墜過半雖復卷軸存者  
悉無首尾惟南嶽九仙傳次第存焉姑欲僕  
板與前此所印施太上度人經老子道德經  
九幽經兼行於世使觀者遷善遠罪必有得  
焉願爲書百餘言冠其篇首余審語論由中  
非涉浮偽疾索所謂九真人傳者削其叙說  
稠疊者十有一處正其字體誤者三十有  
一又較升舉年月不同者四取舊碑爲定復  
語道隆曰嘗聞信道故能學學患不能動勤  
患不能久學而勤勤而又行滿功成遠到有  
涯矣今道隆欲出俗累萬端非濟度於人而  
不爲真有志之士也宜乎勉旃景行九真人  
有初有終補仙者闕位則副野夫委曲作序  
云爾

陳真人諱興明穎川人也少遊名山周訪真  
跡於南嶽天柱峯遇二真人年可十八九自  
云我歷行四海度有志之士以世人修道暫